



KENYATAAN MEDIA

PENGEMASKINIAN GARIS PANDUAN PERKUMPULAN RAMAI

Bandar Seri Begawan, Khamis, 31 Mac 2022

Pada menjunjung titah perkenan Kebawah Duli Yang Maha Mulia Paduka Seri Baginda Sultan Haji Hassanah Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam, Jawatankuasa Pandu COVID-19 dengan ini memaklumkan mengenai **pengemaskinian garis panduan bagi perkumpulan ramai yang akan dilaksanakan mulai hari Juma'at, 1hb., April 2022** yang mana **perkumpulan ramai adalah dibenarkan dengan kapasiti penuh di premis awam termasuk dewan dan restoran ATAU had maksima 300 orang, yakni yang mana lebih rendah**. Had kapasiti penuh di premis awam adalah tertakluk kepada penjarakan fizikal dengan sekurang-kurangnya satu (1) meter seperti di antara meja di restoran-restoran atau satu (1) meter di antara kerusi bagi majlis-majlis keramaian lain.

Sementara itu, had perkumpulan ramai di kediaman persendirian adalah **masih lagi dikekalkan iaitu seramai 30 orang** (tidak termasuk tuan rumah).

Jawatankuasa Pandu COVID-19 juga ingin memaklumkan kepada orang ramai khususnya pengusaha restoran dan kedai makan bahawa penyediaan makanan secara 'buffet' di restoran-restoran atau di rumah-rumah persendirian adalah **masih tidak dibenarkan**.

Syarat-syarat bagi pengemaskinian garis panduan ini adalah tertakluk kepada penelitian Jawatankuasa Pandu COVID-19 dari semasa ke semasa. Bagi sebarang maklumat lanjut dan terperinci, bolehlah melayari laman sesawang Jabatan Perdana Menteri di alamat www.jpm.gov.bn.

Marilah kita terus menadah tangan untuk berdoa dan bertawakal kehadiran Allah *Subhanahu Wata'ala* agar kita semua dan Negara Brunei Darussalam supaya terus dipelihara, dirahmati, aman damai, selamat dan sejahtera. *Amin ya rabbal 'alamin*.

JAWATANKUASA PANDU COVID-19

Negara Brunei Darussalam

28 Sya'ban 1443

31 Mac 2022